

Grupo Ritmiko Inovashon Kultural
Danny Yanga
Clifford Martina

Letra Kantadó Mayo 2024



Siguimentu tin awe

Raim "RaIM" Vrutaal

Su tras su tras su tras mi ta bai su tras
Siguié siguié, siguimentu tin

Herensia di avochi
Nos ta sigui hib'é magazina
-Sigui hib'é sugui hib'é, siguimentu tin awe
Chapi avochi a kai pa mi kue
Den sekura I den yobida

Siguimentu tin awe
Pa nos sigui ku e bataya
Alimentá tur kurason
Dje pueblo vensedor
Kachu ta anunsiá
Benida di e kosecha
Te'i sembra den tur kas
Pa nos futuro tin speransa
-E mucha a sigui krese, e'la bira kunukero
Paga tinu na mi gritu
Nos pia nunka a hera
Sigui ruta di bendishon
Ku Djo na timon
Su tras mi ta sigui wapa
Siguimentu tin awe
Su tras mi ta bai su tras
Siguié siguié siguié mi ta bai siguié
-Siguié Siguié
Sigui mi tei siguié
Pa sembra amor pa kultura
Planta pa fortalesa
I kompartí nos rikesa



-Ku urguyo bati pechu I kanta digno mi ta Yu'i Korsou

Siguimentu tin

-Siguié

Hisa nos bandera

Karga mi herensia

Brasa mi prohimo

Lusa nos kaminda

Profundidat di nos baranka

Ribe ruta pa viktoria

Kargando nos kultura

Ami tras di bo

Abo tras di mi

Si e chapi kai

Otro man ta sigui

Sigui pa lant'é

Sigui boltu tera

Karga di kunuku

sigui yena punda

Parti ku tur nashon

Ribe baranka

Kua Sigui krese na abundansia

Sigui mi tei siguié

Digno yu'i kòrsou

Sigui mi te'i siguie

Siguié forsa di Kòrsou

Kòrda traha dam

Warda awa

Kordando riba mayan

Pa ora tin sekura

Hala awa na pos

Pa parti ku pueblo

Bai pos

Awaseru di splendor

Bai pos

Hale bin kune

hal'é bin kune

Awa pa refreská

Awa pa Aliviá



Ku Djo na timon
Su tras mi ta sigui wapa
Siguimentu tin awe
Su tras mi ta bai su tras
Siguié siguié siguié mi ta bai siguié
-Siguié Siguié
Sigui mi tei siguié
Pa sembra amor pa kultura
Planta pa fortalesa
I kompartí nos rikesa

Proverbio: kaminda chapi kai for di mi man lant'é i sigui bòltu tera gordo, planta kuida kosechá e lenga dardu di mi mama: Nos hoben mester sigui ku tradishon I e fiesta di kosecha. Ban keda mantene bibu herensia di grandinan.

Nifikashon di e seú: Pa nos ku ta hoben ta agradesido ku den e mundu moderno aki ainda nos por selebrá i sigui mantené nos kultura bibu i pa sigui kultuvá nos tradishonnan. Nos responsabilidat ta pa ora nos man kansa I nos mester laga e chapi kai, ku e generashon ku ta sigui, ku siguransa nan ta sigui ku e batuta nos tradishon kultural I kosecha pa bida.